



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三八三

四松堂集五卷 愛新覺羅敦誠撰

一

寶奎堂集十二卷 陸錫熊撰

七五

篁村集十二卷 陸錫熊撰

二二五

楓江詩鈔十五卷（晚香園韻語六卷輪帆草二卷入蜀草一卷）

蜀中草三卷晉游草一卷西河草一卷歸田草一卷 蔡珍煥撰

三五三

松厓詩鈔三十二卷松厓詩鈔續集六卷 管幹珍撰

四四七

松厓文鈔四卷 管幹珍撰

七四七

四松堂集序

桂圖侍郎既刻其先德之遺集復哀輯伯氏敬亭先生詩二卷文二卷筆塵一卷總題曰四松堂集問序於余余讀之遙情幽思脫落畦封多使人想像於筆墨外其詩古體勝今體古體七言又勝於五言高者摩韓蘇之壘次亦與劍南遙山方軌並行其文似從公安竟陵入而還致清言上追魏晉如讀臨川王世說新書範水模山妙寫難狀如讀鄺善長水經註柳子厚南遷諸遊記其筆塵亦宛肖六一之試筆東坡之志林無三袁纖俗鍾譚佻薄之習蓋神思高邁氣韻自殊遂青出於藍脩然自成一家也其亦人傑也哉雖平生足迹不出京圻未能周游海岳以各山大川開拓心胸震耀耳目以發其雄豪磊落之氣又甫得一官即投閒色養中年坎壈哀樂損人未能一展經綸之才以發其崇論閎議且天不假年甫五旬餘而奄化未能如放翁誠齋吟卷積至萬篇皆天之所限非人力之所能及然游覽未廣而一邱一壑一觴一詠隨在怡然而自得鵬鷗逍遙遠近一理得郭子元之懸解焉境遇不齊而情所應至率其性真念所應忘解以禪悅夢蝶栩栩任其夢覺得漆園叟之妙悟焉年命雖促而沉酣典籍密詠恬吟能立言以

四松堂集序

一

四松堂集序

二

傳於後世有桓譚五百年後之思焉則皆天限之以運數而人勝之以學識者也其學識至不限於運數則先生之學識深矣以是學識發為文章文章之卓絕可知矣然則侍郎以同氣之故校刻斯集為因人以存其文後之讀斯集者雖然高望慨然遠想固可因文以見其人矣嘉慶丙辰長至後五日河間紀昀撰時年七十有三

敬亭小傳

敬亭余仲弟也名敦誠別號松堂生而秀異性靈警素爲嚴慈所鍾愛五歲入家塾卽解誦讀十一入宗學執經問難爲師長所期許十三隨余從叔父月山公學爲叔父所喜故有兄弟齊名似陸雲行年總角學能勤之句乾隆戊辰弟年十五出繼先九叔祖定菴公已故子諱仁爲嗣時叔祖母太夫人五旬撫愛異常十六爲娶鈕祜祿氏副都統和公額之長女佳兒佳婦日奉慈顏承色笑唯恐不逮故宗族內外無間言乙亥二十二宗學歲試考入優等

四松堂集傳

一

恩賜筆墨故事宗室停科後間歲

特派大臣宗學考試文藝入優等者以宗人府筆帖式用因記名焉丁丑二月隨先大人司權山海住喜峯口有松亭紀遊一卷後遺先慈憂同余守靈柩榆關大寺哀毀之餘痛不欲生叔祖母太夫人傳諭之曰此汝生母安忍以承嗣故抑汝天性廢母子情耶其隨汝兄弟終三年喪踰年扶輓回京日侍太夫人左右望顏奉色無不先意承志太夫人最愛人讀書故在學唯日勉勤學體此意也每會課之期太夫人預儲果肴以待歸晚則曰今日辛苦矣試名前列則

怡然色喜時孫虛川先生諱源稽查宗學最所鑒賞嘗謂諸生曰爾等都當就教敦生自有進益其推重如此內有賢母外有各師故學問日以進也丙戌因前優等記名補宗人府筆帖式旋授

太廟獻爵之職在府署謙抑溫和人無厲言無慍色三十八歲辛卯偕太夫人之變哀痛成疾日捧檄之歡慰先慈也今已矣復何爲因以病告退素耽山水家有西園日久荒廢尚餘假山一山有松四株因卽山麓起四松草堂復繞屋甃石爲池引山上井泉成瀑布白練橫空飛挂簾前亦奇觀也築夢陶軒拙鶴亭五笏菴

四松堂集傳

二

作閒慵子傳以自況好賓客日引文士分韻擘箋不以晨夕間又嗜酒別構小屋效村墟式懸一帘名葛巾居客來則就飲其中歡呼豪歌杜少陵所謂誰能更拘束爛醉是生涯矣尤喜訪勝探奇身雖未經遠行向遊盧龍昌黎出榆關登澄海樓住松亭凡有名勝無不親覽且作記記之卽近郊一帶暨西山諸古蹟題殆遍焉晚年艱於子嗣自長子雲多早喪爲承繼先九叔祖一脈淡以爲憂後五十五歲得祥明且喜生而聰慧日撫摩膝前曰有此子吾無憂矣於戲言猶在耳何方踰三年而吾弟卽先長逝耶性友愛諸昆季間怡怡和悅而

於余尤加親厚少余五歲自入家塾以及宗學從師應試無不隨余後暨長雖異居而無異體問衣問食有司馬涑水之風卽詩文亦與余唱酬居多焉乙卯秋桂圃三弟將刻其所遺詩文謂余曰二兄詩文旣付梨棗但其平生之作人行事人無從而知未免缺焉大兄盍爲立一傳余聞之且泣且感且愧自知不文不足以傳敬亭但無詞以謝因退而迴想其爲人行事聊書梗概以質三弟昔王西樵考功歿後其弟阮亭先生序其詩文以傳余萬不敢比擬阮亭先生然彼有兄可傳余亦有弟焉勉爲小傳

四松堂集傳

三

嘉慶元年歲次丙辰孟春中浣兄懋齋敦敏撰

四松堂集目錄

卷一

古今體詩一百三十七首

卷二

古今體詩一百四十四首

卷三

論序跋題書傳記三十四首

卷四

記行述哀辭祭文說十九首

卷五

四松堂集目錄

一

鷓鴣菴筆塵八十一則

四松堂集卷一



宗室敦誠敬亭

古今體詩一百三十七首

田家樂

一村西崦下二頃南山陽春犁得時雨麥隴耘其莧小兒牧犢豕大兒築圃場老妻上機杼阿女縫衣裳雛孫護鷄埘中婦炊黃粱男女各有役好樂貴無荒既畢我公賦乃盈我倉箱豐年足衣食野人奚所望

夜景

東林一片月西園滿山雪寒夜獨自歸天地同皎潔

四松堂集卷一

一

過耶律文正王墓

相業今安在孤墳控碧濤又因百姓哭想見古人心祠畔平湖晚堦前老木森事多誠可減語意一何淡

貽謀宜孫從弟初婚小詩賀之

憶昔共家塾我年十五強君時方九齡大小成雁行相依六七載君今如我長文章八义手騎射百步楊阿兄避三舍汗流走且僵今日奠雁會喜氣門闌張溫嶠歸玉鏡弟以中表聯姻義之坦東床屏開青玉案腰繫黃金璫賓客盈四座綺筵羅酒漿歌聲繞畫棟絃管喧華堂阿兄顧而樂到手傾巨觴愧極敢言賀一語君裁量古有賢

夫婦垂今姓字香願君如古人薄俗實不減

送楊秉鈞玉琳先生遊晉陽幕

楊子之何處談經室寂然客途三晉雨鄉夢五湖烟前路須加飯秋風早着鞭杜陵老妻在長此別離天

朝陽洞

時隨先大人司樞山海關洞在臨榆縣北山之陽

曉出城北門遙上白雲麓健屐攀葛藤絕頂窮遠目隔澗響鳴泉栖鶴叫古木石徑拾松花坐煮山泉熟下山覓蹇驢夕陽滿空谷

桃林口

廢郭由來久桃林有舊閭女牆生亂草斷堞走行人征

四松堂集卷一

二

客愁斜照山禽送暮春前途渺何處野老指迷津

寄懷曹雪芹霑

少陵昔贈曹將軍曾曰魏武之子孫君又無乃將軍後於今環堵蓬蒿屯揚州舊夢久已覺雪芹曾隨其先祖寅繼造之任且著臨邛憤舉禪愛君詩筆有奇氣直追昌谷披籬樊當時虎門數晨夕西窗剪燭風雨昏接離倒著容君傲高談雄辨虱手捫感時思君不相見蒨門落日松亭樽時在喜峯口勸君莫彈食客劍勸君莫叩富兒門殘盃冷炙有德色不如著書黃葉村

憐元圃

王寶宗叔近况代東却寄

前年君哭父泣血號昊天去年君哭兄枕痕夜有斑今年哭弟姪君淚豈能乾上有白髮親羸疾高堂前我悲君之遇更惜君之年君年始弱冠與我同支干命也奈若何天意實蹶顛我有寄贈語念哉君勉旃善慰慈母意此外如雲烟

偶閱宏光南朝事跡爲賦四絕

狗尾貂蟬殿陛紛南朝舊事不堪云懷寧法曲君王宴博得維揚閣部墳

區區四鎮自戈矛天下江山入

帝州聊壯殘軍餘一叱陣前只有靖南侯

四松堂集

卷一

三

大江天塹據長流

大兵抵南京賊馬士其猶有長江天塹之對

元日笙歌金

殿頭猶有梨園佳者嘆未應天子又無愁

高燒椽燭春難曉細寫吳綾夜未央莫更遠尋江令宅

祖堂寺裏又斜陽

阮大鍼度曲處

別四弟汝猷

敦奇時弟隨侍山海關余之松亭

疎懶輸羣季青年俊秀殊春風一盃酒送我古城隅鳳

譽期吾弟火攻笑阿奴庭幃賴汝侍莫恨塞鴻孤

升天行

白雲來渺渺招我上瑤京身跨猴山鶴口吹秦臺笙漫度烏鵲橋越過芙蓉城直來上帝側儀衛森崢嶸玉板

列金阡天人來蓬瀛玉女投壺笑令我趨天檻觀我鈞天樂疊奏羣仙聲舞者許飛瓊訝者董雙成啖以青麟脯酌以碧霞觥餐以胡麻飯飲以甘露羹醉後吸沆瀣天風解餘醒俯向下界看九鼎與一泓

崇興寺感賦

先慈靈柩寄安此寺

石塔當門古柏圍疎林仙梵遠微微關山歲晚書來少風雨天涯客未歸舊篋有衣存手線夜臺無路逐

幃淒然倚枕中宵臥破壁殘缸淚自揮

姜女祠送別汪易堂

兼寄子明兄

濤聲秋色入荒祠折柳橋邊贈別離若見吾家黃魯直

四松堂集

卷一

四

爲言癡弟日相思

挽敏亭

素疎曾任監察御史

身後留清議生前歎數奇已忘廣陵散空泣峴山碑孤

館回秋夢殘燈寫挽詩西州餘舊路他日醉過時

聞子明兄西歸計程應至薊州潛然感賦

時在松亭作

舊事淒涼不可論又從故道走方轅崆峒山下夜沽酒

風雪明朝過薊門

連日風雪寄衣未至感賦長句

眞覺年華似水流空山夜半起鄉愁燈花結盡風吹慢客夢初回雪滿樓呵凍欲尋龜手藥却寒誰著雉頭裘

聞磬遙憶催刀尺山郭朝來木葉颺

臘月二十五日夜宿一片石

風捲黃沙急山圍古塞偏醉中悲壯志客裏送殘年祀臘懷鄉土登樓恨海天只餘孺子淚向夜一潸然

自蘄下石門北赴松亭寄子明兄次蘇韻

大河澎湃山聿兀征輶遠向松亭發朝辭蘄下暮石門誰與征人同落寞春來鴻雁關山隔遠岫寒雲自出沒東風吹冷青衫薄古驛斜陽茆店月對此茫茫慘不樂天涯對酒恒悽惻眉山頽瀆常離別古人先我悲飄忽人生鴻爪今猶昔我心何爲頻蕭瑟但得多錢壓酒囊

四松堂集

卷一

五

不願人間好官職

子明兄自榆關馳四百里就余於松亭值余入都未回至是晤於三屯營之景忠山把酒沾衣各述

別後事越一日兄赴冷口余返松亭疊前韻

相逢如夢兩兀兀駐馬荒城客不發路長人困各崎嶇誰意今朝慰索寞昨日松亭猶阻隔獨酌松山西日沒繫馬勿嫌邸酒薄直須泥飲關山月酒酣回憶家園樂徑荒松冷心惻惻明朝上馬復遠別何以人生此悠悠醉不成歡如古昔但異楓蘆秋瑟瑟君行飲馬長城宿慎勿心熱封侯職

夜阻鐵門山寺中風雨澎湃山水驟發旅憲作惡

漫爲小詩

客味似枯僧蕭然百感生空山急暮雨夜漲拍孤城社酒殘鄉夢蒲團對短檠也來亂山處輸與長官清

初夏村居二首

盡日耘苗到夕昏荷鋤野老各歸村主人餉罷薊其飯狼藉田家老瓦盆

柳蔭初濃麥浪微杳無人跡到柴扉日長挂起蓬窗臥滿院野花蛺蝶飛

雨中泛舟

四松堂集

卷一

六

野航淺水一篙斜泊近橋南賣酒家坐聽打蓬聲細細小風送雨過蘆花

懷卜宅三首

沈郎瘦去亦何堪零落當年夜雨談閒咏小橋明月句

月明人立小橋頭宅三有兩部蛙鳴新雨後故人家在大江南

得意翻成潘令悲宅三登費書後殘香遺挂悼亡時紅

奮淚盡歸來晚買得金釵贈阿誰

烈女吟二首

烏鵲避鳳凰獨噪聲何孤女兮安所歸天也而吾夫父兮與母兮乃舅與乃姑妾命實不猶掩泣淚如珠

霜霰殺青松青松不改柯阿母憐女兮故夫如妾何孤魂依病影月冷啼鳥多回頭顧阿母永別淚滂沱

山遊次王道人韻

高巖健雙屐暇日攀邱林駕言青山麓洽此白雲心探奇窮幽邃陟險凌崎嶇崑邈爾塵世遠宵然空谷深夕陽下絕壁衆壑分時陰清遊托素志曠懷一長唼欲努整山力長往謝朝簪

贈羅西園先生曾任泰縣領

西園先生昔在官賓客滿堂童僕歡先生去官貧且老門巷蕭條生亂草在官去官他人心先生處之但醉吟

四松堂集卷一 七

破巾漉酒有陶趣古囊搜句皆唐音時入名山騎瘦馬枕流漱石松岩下或賦新詩已公房時尋老友香山社今年移住西城隅茆屋數間書一厨儼然玉川居洛日赤脚婢子長鬚奴我來問字頻策蹇踏破堦前碧苔蘚明年相約北山遊應知老子興不淺

送易堂南歸

往日榆關道殘春送我時事但那可憶酒醒欲何之暮雨孤篷急江天一雁遲北來多驛使好寄隴頭詩

一月中聞羅介昌即西李迂甫倚兩先生天元上

人皆作古人感而有作

蕙死蘭焚芝亦凋山陽一笛暗魂銷初逢寒食殽山鬼遙隔長江賦大招斜日孤雲愁漠漠棠梨春雨暮蕭蕭幾回頓悟飯依念又恨空林新塢高

秋雨

昨夜紙窗聲秋霖浸老屋曉起尚溟濛青烟暗庭竹悠然步松邱危峯滑如沐寒蟬棲濯枝饑鳥下林木采采明花入手秋一掬聞久客稀來小徑莓苔綠

月上邨外獨步

秋月上孤邨清光照邨渚渚水碧而淡昨夜添新雨微風亦翛翛露復潤滑黃雲壓稻場紫花香豈園籬下

四松堂集卷一 八

獨徘徊竟夕無人語

送怡齋和仁內弟牧馬塞上

萬騎走駉駉高歌出塞吟黃雲橫舊磧怡齋昔曾侍婦翁都統和公牧馬於白日下荒林雁落凋弓勁馬肥秋草深少年真將種惜別不沾襟

咏明人四首

故主飄零故國更空門猶可度餘生哭殘舉世無知己水浸騷經竟屈平

右雪庵和尚

往來葵慶意何如市上馮翁獨識余莫訝補鍋生計賤

朝廷遺老尚呼豬

右補鍋匠

行乞金城哭未休河西還是葛衣遊莫愁縷縷不堪著

六月君王尚敝裘六月建文至史彬家相持而哭帝衣履敝甚因留二日製布衣去

右衣葛翁

欲托山樵可隱名舊君新詔太無情首陽薇蕨都汙濁

只有東湖水尚清

右東湖樵夫

廣濟寺

石床涼熱客香案淨塵心坐覺閒房暗蕭然老樹淡鐘

四松堂集

卷一

九

餘發猛省竹外一清吟感舊思花雨微微恨梵音

病鶴

槎枒瘦骨臥苔茵力薄摩霄空望雲無分乘軒過鳳闕

自甘俛首向鷄羣病魂雖怯秋來警清唳猶能天上聞

丁令不歸華表在成仙往事詎堪云

村居二首

禾黍登場菽穀新今年稼穡未全貪邨邨賽社鳴簫鼓

爲謝秋成報蜡神

莫道農家不讀書小時也重識之無今年幸得西成早

里塾教兒拜腐儒

題朱生

淵字大川號桐崖畫馬

朱生畫馬不畫老雄姿猛志何矯矯風驟霧靄眞騷裏

蹴踏如走橫門道霜蹄天骨產渥洼豈數郭家獅子花

何人持之獻天子未必教渠駕鼓車

憶松亭

霜滿千山白黃雲盡日橫瘦駝寒臥積饑虎夜過城日

醉思鄉酒秋唘出塞行因時感物候忽起昔年情

贈內雨窻作

興盡金釵供酌酒移來繡簾伴吟詩笑君又卸雙條脫

置我朝來看兩厄

四松堂集

卷一

十

寅圃

敏誠宗兄移宅

諸阮居北里清貧興未闌半生無定宅一笑棄微官松

雨開新徑茶烟散曲欄不嫌容膝小只覺酒腸寬

平上闌觀水勢

帝誅旱魃山川滋詔遣天吳檄雨師豐隆列缺走雲上

毒龍攪水翻天池灑作人間一夜雨波濤萬頃堆琉璃

杜長河西來勢奔放七十二陂歸江湄直下東南二千

里石壩鬼峩夾束之水聲激咽不得駛回濤衝石鳴蛟

鱗冰山崩墮雪浪急雷碾擺蕩雲霓馳天鼓碎旬震八

極狂風裂破千軍旗疑有精怪倏出沒河伯到此無權

宜我來縱觀嘆逝者東流滾滾無已時

題蘆雁四首

楓葉蘆花作雨聲西風雙雁破秋清暮雲無際江天濶
却下寒烟相對鳴

遙望渾疑減脚鷺波漂菰米岸青莎此間謀食差堪樂

一出江蘆弋者多

往來不作置書郵飛宿江千寂寞秋莫道生平太孤潔
相逢一顧有沙鷗

閒雲萬里足翱翔呼伴銜蘆下古塘今夜臥遊清夢遠
孤篷細雨落瀟湘

四松堂集

卷一

十二

瀟灑軒讌集

竹堂絃管夜紛紛銀葉香殘睡鴨熏百罰酒翻青玉案
五更燈燦鬱金裙君憐倒載呼山簡我亦狂言問紫雲
拚得醉歸還犯夜無勞投轄太殷勤

過建文墓

去國歸來兩鬢皤老僧重認舊山河宮中阿監含羞死
猶記當年食子鵝

黑龍潭

黑龍涉何處潭水空深湫古藤翳白日怪栢盤青虬若
云此有龍盤底澄清流若云此無龍石罅腥風颭我不

問有無但以神相求龍出山嵐濕龍入潭雲幽廟貌何
猗猗宿衛森戈矛願早霽春霖浙瀝遍九州

過十三陵

鞏華城北風烟合天壽山前雲樹層立馬平原閒指點
晚烟殘照十三陵

南溪

流水環村聚幾家門前春圃自橫斜桔槔抱甕都無事
細雨聲中長菜花

仲春望日草堂集飲分韻得枚字去年此日諸公過草堂用王阮亭韻紀事瞬息一載今年此日諸公復集草堂追念昔歡恍如昨日未卜明春風光人事更復何如因以花

四松堂集

卷一

三

枝欲動春風寒
平聲字分韻

西園舊事不堪思烟柳年年發故枝好日須邀花下飲
東風莫感鏡中絲空腸芒角眉山酒春草池塘謝客詩
俊秀從來屬羣季涪翁有弟未妨癡

同諸兄弟飲月下聽濤聲

入夜濤聲急如聞百丈秋村樓歸酒客浦月聚漁舟露
氣涼於雨詩襟淡似秋行歌偕雁侶來此狎羣鷗

集飲怡齋齋中送筠亭弟卜之薊門

盡日飛觴到日斜重燒絳燭聽箏琶世親不斷劉盧宅
門地終推王謝家瘦竹隔牆森綠雨落花滿院踏紅霞

送君忽感當年事曾向漁陽弔慘澌

東軒貽謀弟雅集主人出所藏舊畫數十軸同人

分題得四首

流水孤篷泊夕暉梅花香染道人衣傲然湖上林君復
坐待西山暮鶴歸

右張可山梅溪小艇

谿山萬疊暮雲橫紅葉黃花點客程尺幅相看生昔感
秋風秋雨出山城

右謝時臣溪山歲晚

綠雨青烟老籊攢墨痕輕掃有無間不知今夜西窗夢

四松堂集

卷一

三

送過瀟湘第幾灣

右張璞菴萬竿烟雨

哀樂中年竹與絲東山賭墅一枰碁紅裙進酒青山壽
破賊功名付小兒

右仇實父東山攜妓

同李秀才飲水次

小步危橋北斜陽下遠岑蟬聲秋未老野色晚如陰潦
雨成溪浦魚梁自淺溪間遊肯相過展席坐荒林

東臯同子明貽謀作

荳花香外買村醪水落平橋釣岸高無限新愁兼舊感

小樓倚病聽秋濤子明兄云憶昔與敬亭貽謀兩弟近

小病倚闌看水貽謀微飲余獨狂呼大叫把酒淋漓月
橫西巖猶與諸僕作鮮魚膾進酒讀此不禁今昔之感
此並識

謁始祖故英親王墓恭紀

英風赫赫遡天人廣路松楸寢廟新百載勞勲達

聖主九泉施

澤到宗臣始祖墓於乾隆丙寅特寶刀金甲猶
懸壁桂醕椒漿獨愴神惆悵諸孫秋上塚西風吹葉潞

河濱墓在潞河之陽

夜宿槐園伯兄子明宅步月

四松堂集

卷一

四

砧杵千家月一鉤酒人連袂坐林邱青衫露重涼如雨
黃葉風高醉倚樓西嶺雲山秋澗落南園草樹晚蕭颼

持杯更向長空酌未許飛霜點黑頭

璞翁席特庫字奕庵雨中過訪

將軍乘逸興枉駕過荒園老眼愛蒼翠藜杖青松根暮
雲自西來倏然烟樹昏秋雨淨白石細草垂頽垣空際

點歸鴉暝色淡柴門霸陵有醉尉可此息歸轅

西郊感事

殘月墮荒烟陰霾如未曉薤露送秋魂我思何幽渺落
葉下寒原飛霜殺枯草今夜北邙山昨日長安道西風

蕩銘庭冉冉愁絕倒

佩刀質酒歌

秋曉遇雪片於槐園風雨淋漓朝寒襲我時主人未出雪片酒渴如狂余因解佩刀沽酒而飲之雪片歌甚作長歌以謝余余亦作此答之

我聞質鑑湖不惜金龜擲酒壚又聞阮遙集宜卸金貂作鯨吸嗟余本非二子狂腰間更無黃金璫秋氣襲寒風雨惡滿園榆柳飛蒼黃主人未出童子睡聲乾甕甕何可當相逢况是淳子輩一石差可溫枯腸身外長物亦何有鸞刀昨夜磨秋霜且酤滿眼作軟飽誰暇齊眉分低昂元忠兩禱何妨質孫濟縉袍須先償我今此刀空作佩豈是呂虔遺王祥欲耕不能買健憤殺賊何能

四松堂集卷一

五

冬曉書懷

重衾壓青綾夢覺猶慵曉東簷上朝暾東樹喧晴鳥窻前施鏡奩山婦晨粧早小婢諳酒渴爐火茶烟裊癡兒垂九齡但覓梨與棗逡巡趨家塾誦書亦了了整冠上高堂白髮康壽考割進季偉雞綠葵間紫蓼入園課童奴石徑頻除掃平生文字飲好友相論討於焉度日夕

榮名何足寶

南村清明

暮天莽蒼黃雲遮邱林落日啼饑鴉瘦馬南來上塚客社醪麥飯愁天涯道旁廢隴誰家墓石門幽壙藏狐兔無人爲作寒食來春草自合松楸路人生有情淚沾衣我欲招魂向何處獨立平蕪酒一杯陰風吹過棠梨樹偶憶西山慧雲寺龍泉水因令小奴馳騎往取一瓶適友人惠以湖井露芽松下煎之亦復清况自怡

四松堂集卷一

六

西山古泉盛南麓潺湲直下流清曲慧雲白石甃龍頤冷乍冰漿迸寒玉昔年我臥松風堂夜疑急雨飛滄溟曉與山僧作茗飲雲窻三椀禁枯腸戲斫坡翁調水竹一瓶冽雪分幽谷釵頭淪罷臥風簷夢入空山聽飛瀑黃西江克顯字士非先生自蜀來京話舊感作

十八年前別崎嶇蜀道吟孤帆巫峽暮一騎劍門漢京國垂新綬西江有故林長安方米貴白髮易相侵先生以明府陞主事

刈麥行

燕山小麥熟畿野無閒民趁此晴日好努力勿遂巡老農據隴畔手胼胝莫伸健婦把鎌耨雜作同苦辛狼藉

遍町畝東之如束薪連車上場圃刈取盈倉囷卽此眼前獲稍補年來貧可憐旁睨者半是無麥人刈餘未盡粒一掠誰能嘆累聞

聖人詔蠲賑無虛辰常平百萬石度支千萬緡

聖心念痼瘵惠愛何諄諄寄語司民者勿爲貪墨臣

定遠橋感舊憶亡妹

幼時同阻雨於此

十年前事不堪思苦雨淒風茅店時三尺孤墳今夜月北邙愁絕鮑家詩

訪鴻上人於潞河之東抵其刹已茶毘數月矣因宿感賦

四松堂集

卷一

七

粥鼓無聲老衲歸栢林繫馬獨依依重來花雨談經室不見雲山掃塢衣荒殿月沉千樹暗禪龕風細一燈微此生已悟人間世未老何妨且息機

以寧

穆靖安堂妹文

歸自塞上以松亭酒見惠作此寄謝

我昔作客松亭山松山巖薛水潺湲踞窓日夕無聊賴

買盡松醪赤客顏小醉題詩滿岩石大醉覓虎千峯巒

辛夷花下臥不起

園內有玉蘭一株尚可二丈許開花大如盃實北方希有者

仰看

塞月孤雲間朝隨健兒射鵬出暮逐笳聲策馬還年來

掃跡閉門臥棄繻豪氣渾闌珊知君飲馬長城窟山川

弔古窮攀援惠我長瓶分已到如逢故友欣荆班應知

今夜西窗夢短衣重出松亭關

水南莊同貽謀月下泛舟飲酒

南莊放一棹同醉蓼花灣月上孤舟外人言秋水間濤聲寒似雨雲氣夜如山敢與涼颼敵狂呼壯酒顏

山月對酒有懷子明先生

竹谷西邊澗水東一筇隨意到花宮四更寒吐秋山月萬壑濤生黃葉風遙嶺鐘沉孤塔外殘燈人語夜厨中定知清夢迷烟樹湖上南園聽雁鴻

兄家槐園在太平湖側

遣小婢病歸永平山莊未數月聞已溘然淹逝感而有作

四松堂集

卷一

大

緣教母女慰朝昏故遣征軺返故園一路關河歸病骨滿山風雪葬孤魂遙憐新土生春草記剪殘燈侍夜樽未免有情一墮淚嗒然兀坐掩重門

上冰玉主人

王怡親

用少陵贈汝陽王韻

佐

聖維城翰乘時象允升九臯噉鸞駕萬里仰鯢鵬嗣緒屏藩重遭逢世代興傾誠荷

天眷將德在神憑只解搜芸蠹何嘗歌野鷹牙籤通四部眼藏徹三乘獻邸遠風遠東平樂事稱漢漢卑澗瀆

岱岳俯邱陵染翰蒙

君寵揮毫對客能文心流浩瀚書腕急奔騰遠邇爭前
士西南恒得朋名推沈范重才任馬枚矜繡虎驚神氣
山雞炫錦屑蜀箋題每遍巴句和難勝體爲吟詩瘦懷
因觀道澄竹溪邀酒月梅塢燦花燈洞石皆離俗園林
可避蒸餿傳犀箸雪瓜進玉盤冰曲水浮淡碧迴峯轉
翠層長才放潮海藻鑑辨淄澠黑首應非晚青雲或可
凌龍門欣在望披霧願先登

咏未放桃花

暮春上浣寅園過草堂置酒小話時
春雨初收林花競綻獨堂東小桃一
林尙自含葩寅園感之爲吟長句屬余次
韻小紅有知可爲我輩舒一笑以解嘲云

自是春情未解諳何時酒暈玉肌酣枝寒鐵網珊瑚嫩

四松堂集

卷一

九

鎖控金鈴荳蔻含愁裏未逢褒女笑小時尤覺寶兒愁
芳心只欲常如許一媚東風便不堪

集神清室陸起潛解元作湖山釣艇圖索題

陸君好手似荆關醉染江南雲水閒我亦從來苔上客
爲添茶竈筆床間

送李隨軒

廷揚觀察之任粵東二首

聖人宵旰念邊陲特遣儒臣往撫之東粵羣黎多半菽
還珠亭上望旌旗

西江夜雨蒲帆急南粵清秋烟月孤一片沉香猶擲水
肯隨越使載珊瑚

秋日臥病止酒次歐陽公病中代書寄梅聖俞韻
並東同人

病窻支骨如羈絆臥聽中宵風雨劣一秋兀兀過重陽
誰見黃花逼霜發久捐杯杓事岐黃酒腸藥胃成吳越
形神離間不相親如人謠詠恣媒藥醉鄉不見王無功
良醖三升向誰說山妻勸我強加餐防風粥細匙翻雪
聞說亭臯木葉飛水湛清波鑑石髮我欲大叫千秋亭
搔首青天何天闕憶昔登高上翠微仰瞻象緯逼天闕
大海蒼茫一粟輕高秋寥泬雙眸豁夢騎黃鶴汗漫遊
覺來四更皎寒月近覺空山生道心生寄死歸敝屣脫

四松堂集

卷一

三

况是百年利那耳朝槿榮名誰復屑我亦忽忽三十九
歐公爲此詩
時年三十九齒牙疎豁耳如聒寧忍斷此杯中物致使
老羌同驥渴會買下若斟激灑滿引鴟夷喜圓滑諸君
何日更留髡香澤微聞語刺刺要令芒角出空腸敢以
淡杯辭百罰老瓦盆中菊正黃莫負秋英及衰謝人生
行樂奈病何草堂寄詩慰離別

南溪上人贈菊數盆小詩寄謝

瓦缶移來雲水鄉小庭一夜綻新黃何堪臥病悲秋客
強對金英紫蒂香戒酒不勞江郡使題詩先寄贊公房
可能不使攢眉去入社容吾載酒狂

蔣千之

良興又號螺峯

編修贈六尚茶小詩寄謝疊前韻

竊裹筠封出故鄉六崗山下晚雲黃豈因內翰小團月
早爲南豐一瓣香蠟眼沸湯鳴石鼎松風如雨落山房
久辭水厄緣多病三椀依然故態狂

坡翁有枯腸未易禁三椀之句

鶴棲題壁

鶴鶴在天地擇林巢一枝寓言愛蒙叟吾亦味乎斯
鶴至微渺枝榦滿天涯縱有千萬林其如一身爲年來
悟此意築室因名茲室中何所有書卷與酒厄酒狂屋
打頭披書頭復垂好友時復來密坐同啜醕停杯話此
意卽斯常類推坐久不覺晚蟾影明簷帷

四松堂集

卷一

三

說酒庵落成題壁疊前韻

潛魚躍幽澤逸鳥鳴淡枝執拙守吾素迤邐安於斯古
人號迂叟時復窺津涯策旣非高足趨起欲何爲霜松
抱寒操閒居時念茲平生有酒癖右手無虛卮犀首况
無事日飲清言垂床頭列觴罍甕底沉糟醕我身豈玉
山顧影誰復推酒亦不能說鼻息鼾衾帷

璞庵將軍屢以予病爲念小詩奉答

翁曾任粵東將軍時年八

餘十

將軍如衛武愛我竟忘年白髮乘閒興青囊話秘傳長
身猶玉立老眼尚珠懸何以酬佳意寧辭結轡先

南村道中遇雪同貽謀汝猷兩弟作二首

三日彤雲合金臺夜雪翻千林無剩葉一旆出孤村饒
雀啄空圃歸鴉掠野原驅車問前路烟樹入黃昏
稚子柴門候荒墟夜已厭短檠明草屋東絮壓蘆簾宿
麥流匙滑新醪似蜜甜朔寒侵布被芋火煨頻添

雨中泛舟

綠抽沙渚蘆芽短黃暖春波鵝鴨肥薄暮東臯風雨急
打篷聲促酒船歸

說酒庵前整一池傍植雜卉野蔬得詩數章

曲池久矣平復甃荒園石剝竹引流泉濠濮興自適游

四松堂集

卷一

三

鱗唼荇藻微波動几席寄情一勺間夢繞湘江碧

右浚池

移來婪尾春除却閒蒿辟小庭過春雨輕雲開曉霽微
風拂檻來几案紅香細平生薄漈洴清吟不相泥

右移藥

亭亭植方塘相對白日永披露散圓珠當風翻綠影小
飲時效顰杯吸碧筒冷與客納晚涼月上虛庭靜

右植蓮

池畔樹兩株濃陰覆苔石西憲學書罷如對綠天客愛
此一寸心展轉成高碧小庭暮雨來臥聽竟中夕